

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiariorvm

**Leuren, Peter**

**Coloniæ Agrippinæ, 1704**

Paragraphvs VI. De reservationibus contentis regulâ quartâ, quintâ, sextâ,  
& septimâ.

---

[urn:nbn:de:hbz:466:1-74485](#)

quia verè vacant per obitum. Chok. n. 35. ex Mand. hic q. 6. n. 2. & seq. & Garc. p. 5. c. 1. n. 169. contra Gomes. & Sarmens. Secundò, quæ vacant per afflictionem incompatibilis, vel professionem in religione, vel per uxorationem, cum loquatur hæc regula de morte naturali, non civili, ad quam proinde non est extendenda; cum Regulæ Cancell. sint stricti juris, strictæque interpretationis. Chok. ibid. Tertiò vacantia, lice super illis pendente; dum nimur quis cum familiari Cardinalis litigavit, petendo subrogationem, non tenetur consensum Cardinalis requirere &c. Chok. n. 34. citans Rebuff, in addit. ad hanc reg. Gomes. ad reg. de surrogandis. q. 5. Quartò, beneficia, quæ vacant ex privatione ob delictum factâ in Curia. Chok. ad hanc reg. n. 40. citans Gomes. hic q. 7. Quintò si beneficia Jurisp. sint. Chok. num. 33. ex Mand. hic q. 4. n. 5. Sexto, juxta quorundam opinionem, ut Mandos. q. 7. apud Chok. loc. cit. si sint beneficia commendata. Quid autem hoc in puncto sit circa beneficia familiaris Cardinalis electi in Episcopū, & quid in Coadjutoria cum futura successione, Chok. non resolvit, sed cit. n. 33. remittit ad Mandos. q. 15. & q. 30. & Gomes. q. 25. De cetero

6. Notandum primò circa dictam commensalitatem continuam 4. mensium in ordine ad hoc, ut quis subiiciatur dispositioni hujus regulæ, non sufficere, si dicta commensalitas durasset istis 4. mensibus, sed discontinuè, si menses hi non fuisse continui; quod enim uno contextu fieri debet, non valet divisus temporibus actum. Chok. loc. cit. n. 37. diceretur tamen adhuc continua familiaritas, etiamsi expensæ extra domum præbeantur, si tamen domui Cardinalis famuletur.

7. Notandum secundò circa nominis expressiōnem, & requisitionem consensū; quod licet absens à Curia Cardinalis consensus non requiratur in impetratiōne talis beneficii, requiri tamen adhuc nominis & rituli expressiōnem; sublato enim ex duobus, ut habet regula juris, non censetur continuo alterum removeri. Chok. loc. cit. n. 44.

8. Notandum tertio circa idem; adhuc requiri consensum absens Cardinalis, dum is habet in dultum præfentialitatis, per quod absenti conceduntur omnes prærogativa, favores & gratiæ, quibus gaudent Cardinales præsentes, & in hoc casu posset Vicarius illius consensum præstare. Chok. n. 45. citans Gomes. hic q. 22. & Mandos. q. 23. n. 5. Quin & , si modico tempore absens sit, fecis si longo, eò quod tunc reputetur talis absens pro mortuo. Chok. num. 59. ex Mandos. hic q. 22. & Gomes. q. 17.

9. Notandum quartò, etiam non obstante clausula motus proprii in impetratiōne adhuc intrare hanc regulam, & requiri dictum consensum, Chok. n. 48. ex Gomes. hic q. 1.

10. Notandum quintò, quod hic consensus debet esse expressus, idéoque per scripturam probari, ut est stylus Curia, quando litera expediuntur. Chok. n. 53. ex Paris. de resign. l. 8. q. 10.

11. Notandum sexto juxta Gomes. hic q. 28. & præcipue juxta Mand. hic q. 17. n. 5. & seq (qui etiam testantur, hanc esse recepram in Curia, & Cancell. Rom.) sufficere consensum hunc intervenire post impetratiōnem. Chok. hic n. 49.

12. Notandum septimò, quod si Cardinalis prævisioni per Papam facta consentire nolit, posset quidem cogi, ut Mand. q. ult. sed Papa huic regulæ nominatum derogare deberet, quod raro admo-

dum facere solet, ne hoc privilegium conceffum Cardinalibus inane, elusorium, & temporale vide ri posset, Chok. n. 56.

13. Notandum denique, quod si Cardinale mortuo familiaris transierit ad familiaritatem alterius, & intra vel extra hanc familiaritatem moriatur, quod ad impetratiōnem beneficiorum, quæ in habuit sub priore Cardinale, requiri adhuc consensum hujus secundi Cardinalis; citatur pro hoc Achil. de Grassis. decif. 378. super hac reg. & Alphonſus Soto à Chok. hic. n. 55. & remittitur lector ad Gomes. q. 18. & Mand. q. 29. fusè de hoc tractantes,

## PARAGRAPHVS VI.

### Quænam beneficia reserventur per Regulas 4. 5. 6. 7.

*Questio 548. Quænam reserventur per Regulam 4.*

1. R Epondeo: quorumcunque Collectorum & Subcollectorum unicornum in qualicunque civitate vel diœcesi (qui suo tempore officia exercuerint subcollectorum) fructuum ac proventuum Cameræ Apostolica debitorum beneficia Ecclesie, omnia & sola, quæ durante hoc eorum officio obtinebant, & in quibus, seu ad quæ jus eis competebat. Hæc verba sunt regulæ, circa qua

2. Notandum primò per hos Collectores & Subcollectores fructuum, proventuum, spoliorum alicorū jurium debitorum Cameræ Apostolica idem intelligi, quod apud nos nomine Quæstorum; & hoc officium idem esse cum quæsturâ, & esse non posse sine jurisdictione & imperio pro cogeniis debitoribus Cameræ. Lott. l. 2. q. 32. num. 156. citans Cujacum in parat. de off. Quæstor. atque ita ad effectu hujus reservationis spectat administratio quæ est cum jurisdictione, & non nudum exercitum. Lott. ibid. n. 154. & n. 155. Unde etiam, dum Clericus se compofuit cum Camerâ, & mox depatur aliquis exactor taxæ, seu compositionis solvenda, hujus exactoris beneficia non alia ratione dicantur reservata, quām quia illi concessa fit jurisdictione, ait Lott. num. 157. Venire quoque appellatione horum Collectorum proventuum Cameræ Apostolica Collectorum, & subcollectores subdiorum impositorum à Papâ contra infideles, eò quod ea imponantur super fructibus beneficiorum, finque onera, quæ spectant ad Cameram Apostolicam, tenet Mandos. n. 6. n. 3. apud Chok. ad hanc reg. num. 17. contrarium sententia Alphonſo Soto Glossatore apud eundem ibid. num. 2. eò quod uti fructus & proventus non sint debiti Cameræ Apostolica, sed in subdicio; verba autem regulæ debeant intelligi proprie, & non inpropietate vel ficte; cum regula hæc exorbitet à jure, quod ipsum propterea verum putarem de collectiborū subdiorum à Papa non impositorum beneficii Ecclesiæ sed liberè etiam à Laicis collatorum.

3. Notandum secundò, non obstantibus illis verbis regulæ: qui suo tempore officia exercuerint: in tali subcollectore non requiri exercitum actu, seu illum exercere, aut exercuisse hoc officium, sed sufficere exercitum habitu, seu in potentia; ita tamen ut sit persona qualificata (hoc est Canonicus Ecclesiæ Cathedralis, vel alias persona in dignitate ecclesiastica constituta tempore deputationis, eius postea

postea non sit, ne alias deputatio sit nulla, & reservatio cessabit juxta C. statutum, de rescrip. in 6. in principio. Castrop. loc. cit. num. 3. Barb. Gonz. gl. 51. num. 79. Garc. num. 385. potens & parata exercere, nec per ipsam stet, quod minus illud exerceat, sed vel quia non fuit occasio, vel quia legitimè fuit impedita. Garc. p. 5. c. 1. num. 345. & 351. citans Fel. in cap. in nostra. de rescrip. Selv. de benef. p. 2. q. 11. Mand. hic q. 4. Simonet. q. 33. num. 8. Paris. de rescrip. l. 2. q. 16. num. 26. Castrop. loc. cit. p. 20. n. 4. dicens esse communem, & citans insuper Barb. cit. alleg. 57. num. 116. Ricc. in collect. q. 5. collect. 1647. Chok. ad hanc reg. num. 19. contra Gonz. gl. 51. n. 78. Granuc. ad Simonet. q. 32. ad finem. Mascard. de prob. consil. 317. num. 27. apud Garc. n. 350. quin & sufficere ad hoc, ut ejus beneficia vi hujus regulæ reservata sint, quod ad hoc officium deputatus sit subcollector, et si subcollectoriam nondum acceptarit, aut etiam potestatem suam viderit, eò quod, ut censent Garc. n. 349. citans Coras. p. 4. c. 1. num. 22. Mand. reg. 27. q. 17. nu. 4. &c. verisimilius sit transfundii iuri dictioinem quod ad habitum in delegatum à tempore data, licet ad hoc, ut eam exercere possit, requiratur præsentatio literarum, tenet Ricc. Barb. II. cit. apud Castrop. n. 5. Garc. n. 347. & apud illum num. 345. Zerol. in pr. p. 1. v. benef. §. 2. Paris. ubi ante. Quin imò juxta Mand. ad hanc. reg. q. 4. Æn. de Falcon. &c. etiam si subcollector ipse officium hoc sibi datum ignorari. (licet aliud dicendum sit in familiaritatibus; utpote quo non contrahitur, nisi utriusque partis consensu sicut societas) quorum tamen utrumque negat Castrop. cit. nu. 5. eò quod eti in reg. non requiratur potentia in actu, requiratur tamen hæc potentia proxime expedita, qualis non est ante dictam notitiam & acceptationem deputationis sui in subcollectorum, cum ante illum nequeat exercere illud officium, etiam si fructus colligendi existent.

4. Notandum tertio, ut intret hæc reservatio, constare debere de deputatione & facultate Collectorum & Subcollectorum. Et quidem Collectorum seu Collectoris facultas probanda est per literas, nimur Patentes istius deputationis. Chok. hic n. 6. citans Mascard. de prob. concl. 317. per tot. Simonet. de rescrip. q. 34. Monet. tr. de decim. c. 9. q. 5. n. 212. Garc. num. 376. & ita quidem, ut non sufficiat transsumptum illarum literarum, ut ibid. Masc. Simonet. Monet. qui tamen ultimus illud sic limitat: nisi transumptum fuerit nullà lite pendente, servata formâ. C. fin. de fide instrum. aut nisi transumptum fuerit in registris Bullarum Papa. Idem de subcollectoria probanda sentit Lott. cit. q. 32. nu. 158. ubi ait, subcollectoriam ad effectum reservationis non aliter posse justificari, quam per literas deputationis factæ cum omnimoda iurisdictione, ita ut quavis alia probatio, sive per testes, sive per literas missivas, quo explicitè non referant, deputationem factam cum tali iurisdictione, sit minus sufficiens veluti æquivoca; eò quod cum subcollectoria non consistant in simplici deputatione ad nudum factum exactioñis, sed in iurisdictione, subintret clara dispositio juris: nempe delegatam iurisdictionem non aliter probari, quam per literas ipsius delegationis, ut Masc. de prob. concl. 949. nu. 1. quod tamen qualiter temperet, vide ex paulo post ex ipso dicendis. Subcollectoria tamen etiam probari potest per testes, deponentes, se viduisse literas commissionis, vel commissioni & deputationi interfuisse. Garc. n. 376. citans Bellenz. de subdio chari-

tativo. q. 111. & 112. Gomes. in c. statutum, de rescrip. in 6. n. 60. Mafc. ubiante. n. 1. & 15. Simonet. &c. Castrop. num. 6. Lott. cit. q. 32. n. 160. dicens, id sufficere, si testes probarent se fuisse præsentes, & concluderent ad punctum delegatæ iurisdictionis. Imò sufficere testem, talem unicum aliquibus ad miniculis adjutum, tenet ibid. Castrop. citans Ricci. ubi supra. limitat. 6. Barb. n. 124. videretur que Castrop. ibid. tradere, hanc probationem per testes sufficere ad probandam etiam potestatem Collectorum, & consequenter ad probandam reservationem respectu illorum. Nequaquam tamen ad effectum hujus reservationis sufficiet, si testes tantum deponant, subcollectorem sic reputatum esse publicâ voce & famâ. Chok. n. 7. citans Monet. ubi ante. n. 234. Garc. nu. 378. citans Bellenz. ubi ante. Granuc. & Barb. n. 125. Simonet. & Rot. Castrop. citans Ricc. ubi ante. & Barb. num. 125. Lott. cit. q. 32. n. 161. addens hanc probationem adhuc insufficientem, etiam si adeslet probatio exercitiæ in exigendo dictos proventus. Porro probato aliquem esse Collectorum in ordine ad imprestandum ejus beneficium, opus non est probare, illum esse unicum (nisi forte impretrans allegaret in imperatione, esse unicum, ob illam enim expressionem assumit onus probandi, cum teneatur narrativam justificare) quia pro unicitate est præsumptio à jure, & contradicenti incumbit probare contrarium. Castrop. cit. n. 6. citans Ricc. ubi ante. Barb. n. 117. Garc. loc. cit. n. 356. Et hæc de probatione Collectorum & subCollectorum ad effectum reservationis. Quod autem attinet ad probationem illius ad effectum colligendi fructus, nequaquam tenebuntur, nec etiam securè solvent debitores, seu soluturi fructus, nisi ex literis deputationis constet Collectoris vel SubCollectoris officium; ita ut nequidem transumptum, ut dictum paulo supra, sufficiat, juxta Mandos. I. cit. idem monet. Garc. n. 377. Castrop. n. 6. Barb. n. 124.

5. Notandum 4. ad inducendam hanc reservationem respectu subCollectorum requiri necessario, ut illorum tantum sit unicus, nimur, vel in civitate, vel in Diœcesi, ita ut, si ultra Collectorum generale sint plures subCollectores in Diœcesi, v. g. unus in civitate, alter in diœcesi reliquæ (uti contingere posset, dum collector haberet potestatem plures subCollectores generales designandi) constituantur, neutrius horum subCollectorum beneficia sine reservata; cum regula unici tanquam subCollectoris beneficia reservet, in hoc autem casu non sit specialis ratio, quare magis hujus quam illius beneficia reserventur. Castrop. loc. cit. n. 2. citans Gonz. gl. 51. n. 71. Barb. ubi ante. n. 119. Chok. hic n. 9. Garc. n. 357. & 375. qui tamen putat, quod ubi essent duo Episcopatus, seu duæ Diœceses æquè principaliter unitæ, licet unicus sit Episcopus, posse ponit in utraque Diœcesi, hoc est, in singulis earum, unum subCollectorum in ordine ad hanc reservationem. Quod si tamen successivè deputarentur subCollectores, ita ut nunquam duo simul seu pro eodem tempore esent subCollectores in Diœcesi (uti fieri censendum, dum collector non habens potestatem nisi unicum tantum designandi subCollectorum, uno designato, designaret alium; hoc ipso enim tacitè primum revocaret, quod idem ait Castrop. num. 2, generaliter censendum, dum quis secundum subCollectorum deputat; eò quod credendum sit, voluisse illum facere hanc deputationem juxta formam juris, citatque pro hoc

Garc. n. 366. Ricc. ubi ante. Barb. n. 122. &c.) beneficia omnium horum subcollectorum successivè deputatorum erunt reservata. Chok. hic n. 9. Quod si autem, non obstante prioris deputatione jam facta, deputaretur secundus cum intentione non revocandiprimum (quod quidem validè fieri posset à collectore, cum regulà hac non prohibeat, plures deputare subcollectoribus, ut Garc. n. 368. nisi forte ei limitata esset potestas, quod non possit nisi unicum statuere in Diœcesi seu civitate, in quo etiam casu, si simul plures deputaret, nullius deputatio valeret, ut Garc. n. 369.) beneficia habita à primo tempore, quo fuit unicus, manebunt reservata; non verò acquisita à tempore, quo habuit socium, nisi forte hac designatio socii fuisset nulla ex eo, quod collector caruisset facultate deputandi plures. Castrop. n. 2. Garc. n. 371. & 372. Quod si etiam subcollector deputaret alium subcollectorem (cum enim subcollector delegatus sit ad universitatem causarum, poterit subcollector generalis unicus Provinciae constituere subcollectorem particularem in una civitate vel diœcesi, sicut subcollector particularis unius civitatis vel diœcesis potest unam alteram e causam, & non totam suam jurisdictionem subdelegare, ut Garc. n. 363. Castrop. n. 3. ex Sanch. de matrimon. l. 3. d. 31. n. 4. vel etiam præscindendo ab hoc, dum Papa ei dedisset facultatem subcollectorem constituendi, ut Garc. n. 373.) reservata adhuc erunt beneficia istius subcollectoris deputantis alterum subcollectorem particularem, non verò beneficia istius subcollectoris particularis deputati; sed quod hic deputatus à subcollectore subcollector, non tam dici debet subcollector, quam commissarius subcollectoris; regula autem reservans beneficia subcollectoris intelligenda sit de vero & proprio subcollectore, deputato ad universitatem causarum. Castrop. cit. n. 3. Garc. n. 374.

6. Notandum Quinto, quod ait Glossator Alph. Soto in hanc reg. apud Chok. n. 5. quod, si multi sint in una Diœcesi vel civitate collectoribus, omnium beneficia reservata esse; quia dicitur in regula: *quorum cuncte collectorum, & non unicorum* referunt solum ad subcollectoribus. Denique hanc reservationem cessare in Francia, ait Rebuff. in addit. ad hanc reg. apud Chok. n. 8.

#### Quæstio 549. Quenam reserventur regulæ quinta.

1. Respondeo, reservari omnia & singula beneficia quorumcunque Curialium, quos, dum curia Rom. de loco ad locum transfertur, eam sequendo decedere contigerit, quovis loco, quantumcunque etiam à dicta Curia diffuso. hæc verba sunt regula, circa qua præter ea, quæ pro declaratione hujus reservationis jam dicta fuere supra,

2. Notandum primò, hanc reservationem totam contineri in cit. c. præsent. de prob. in 6. adeoque & clausam esse in corpore juris. Garc. p. 5. c. 1. n. 386. Castrop. loc. cit. p. 21. n. 1. Rebuff. in addit. ad hanc reg.

3. Notandum secundò, vi hujus regulae reservari quoque beneficia Cardinalium, dum actu sequuntur Papam & curiam alio transiunt, accipiendo curiam propriè, prout supra ex Lott. Garc. Covar. & altis sumptibus, ut Glossator ad hanc reg. n. 4. & Chok. ibid. n. 8. si tamen propriè Curiales sunt, quales eos propriè dici ait glossator ex eo, quod illi propriissime Curiales dici debeant, quorum cura & consilio resp. expeditur. Reservari item vi hujus regulae beneficia familiarium Cardinalium, dum hi

verè Curiales sunt, & non tantum honoris & offici causâ sequentur Cardinales. Chok. loc. cit. n. 9.

4. Notandum tertio, quod si Curialis decedat seu moriatur, dum Curia transfertur, ejus beneficia non comprehendit hac reservatione, quia tunc moriens non tam decedit sequens Curiam, quam ab ea recedens. In regulâ autem dicitur: *quos curiam sequendo decidere contigerit.* Castrop. cit. p. 21. n. 1.

#### Quæstio 550. Quenam reserventur per regulam sextam.

1. Respondeo, reservantur omnia beneficia Cubiculariorum & cursorum suorum, hoc est, Papæ. Circa quæ

2. Notandum primò, quidquid sit de eo, num reserventur hic beneficia Camerariorum seu Cubiculariorum, quitanquam familiares & continuí commensales Papæ recipiunt partem & victimum, quod negat Garc. loc. cit. n. 399. dicens eare servari tantum reg. 3. contrarium tenente Gonz. gl. 51. n. 91, quem sequitur Castrop. cit. p. 21. n. 1. dicens, non obstat, hos nomine familiarium & officiūlūm Sedis Apostolicae comprehensos esse reg. 3. quod minus quoque in præsenti reg. specialiter reserventur eorum beneficia; cum hic claritatis gratiâ exprimantur. Quidquid etiam sit de eo, num olim ante Gregor. XV. solorum Cubiculariorum, officiūlūm (quorum collegium constitutum fuit à Leone X. in constitut. ne Apostolicorum. 14. in Bullar. edita 1513, expresse prohibens, ne alii præter predictos nomina & dignitatē Cubiculariorum usurperent) beneficia fuerint reservata vi hujus reg. ut censem Castrop. loc. cit. contrarium tenente Lotterio l. 2. q. 32. n. 163, eo quod, dum olim in erectione dicti collegii Cubiculariorum vetitum, ne quis præter illos in eo constitutos nomen Cubicularii usurparet, per hoc forum excluderentur, qui ipsi tale nomen sibi usurparent; non verò, quibus Papa id concederet per privilegium, & cum sufficiente derogatione istius decreti; ne quando Papa videretur voluisse limitare potestatem suorum successorum, quod fieri nequit ad eum & talium, etiam ultra eos in dicto collegio computatos, per privilegium Cubiculariorum beneficia caderent sub hac reservatione; quidquid inquam sit de his, hodie dum dubitari nequit, quin una cum istis Cubiculariis, Officialibus comprehendantur quoque sub hac regula cubicularii extra muros, seu honoris nuncupati; eo quod in hac regula per posteriores Pontifices innovata hæc verba adjecta legantur: *Cubiculariorum etiam honoris nuncupatorum. & Urban. VIII. expediens regulas Cancellarii, sic declarat hanc reg. Castrop. loc. cit. citans. Barb. ubi supra. n. 129. Lott. loc. cit. n. 164. contra Garc. n. 398. & Chok. hic n. 4. item contra plures decisiones Rotz, Urbano VIII. aliisque Pontificibus antiques.*

3. Notandum secundò, per cursorum Papæ intelligenti non tam sibi paratores, qui in judicis mandata officialium exequuntur, ut nec sollicitatores literarum Apostolicarum, quos Janixarios appellant, qui per Cancelleriam curvantur pro expeditionibus bullarum Apostolicarum quam illi, qui suum in Urbe Banenum habent, quaque de capellis & consistoriis Papæ & similibus Cardinalibus monent, & sunt omnes ferè Clerici. Castrop. loc. cit. Chok. loc. cit. n. 7. dicens, de his posterioribus maximè loquuntur, teste Mand. hic q. 2. n. 5.

4. Porro rationem hujus reservationis, ut & præcedentium, respectu nimirum Collectorum, officiūlūm,

lum, familiarium, vide apud Lott. loc. cit. à n. 165. ubi dicit esse unam eandemque, nempe Pontificis tutela & protectio, sub qua dicta persona una cum eorum beneficiis sunt susceptra, ratione cuius cura & tutela Papa censeatur ad se avocare, quidquid contingere potest circa beneficia talium personarum, ut non possint inferiores collatores de illis disponere sine offensa reverentiae Pontifici debita.

*Questio 551. Que reserventur per regulam septimam.*

i. Respondeo primò, reservari Canoniciatus, Præbendas, dignitates, personatus, & officia trium Ecclesiæ Urbis S. Joannis Lateran. S. Petri seu Principis Apostolorum. S. Mariae majoris. Circa hanc reservationem,

2. Notandum primo, quod, et si haec beneficia omnia competenter jure ordinario Papæ tanquam Urbis Episcopo, adeoque video poterat opus non esse reservationis, vel etiam dicta beneficia non esse reservabilia juxta dicta superius, quia tamen forte Archipresbyteri dictarum Ecclesiæ, quia erant Cardinales, prætendebant, aut prætendere forte poterant sibi competere illorum provisionem, ad tollendam haec apparentem prætensionem expedita fuit haec reservatio, tanquam expressa declaratio, quæ Papa declarat, sibi soli eorum provisionem competere, & consequenter superflua non est haec reservatio. Castrop. cit. p. 21. n. 4. citans Gonz. gl. 13. à n. 21. Mand. hic q. 1. n. 3. Barb. ubi supra. n. 13. Azor. p. 2. l. 6. c. 34. q. 10. &c. Chok. hic n. 9. addens, & ideo necessarium fuisse dispositionem hujus regulæ, ut tollerent varia indulta à diversis Pontificibus concessa Archipresbyteris & capitulis dictarum Ecclesiæ conferendi majora illarum beneficia.

3. Notandum secundò, ad alia dictarum Ecclesiæ beneficia inferiora, ut sunt Capellaniae portiones, similiaque se non extendere hanc reservacionem, unde tamen inferri non debet, ea non spectare privative ad Papam, sic enim illa ad Papam spectabunt jure ordinario, si forte Archipresbyteri dictarum Ecclesiæ vel capitula ipsa, aliive inferiores non habeant privilegia ea conferendi, quibus privilegiis quod ad haec beneficia derogare non intendit Papa: an vero ea privilegia habeant, ipsi videant. Castrop. loc. cit. citans Gonz. gl. 13. n. 26. Barb. n. 36. Chok. loc. cit.

4. Secundò reservantur omnes Canoniciatus, præbendas, dignitates, personatus, officia, administrationes & cetera, sive cum, sive sine cura, quæcumque beneficia spectantia ad collationem, provisionem, præsentationem, seu aliam quamvis dispositionem Cardinalium ratione Cardinalatus, Episcopatus, Tituli Diaconiæ, tam in Urbe quam in Ecclesiæ, civitatibus, ac diœcesis dictorum Episcopatum consistentie; dum nimur hi Cardinales à Curia Rom. absunt, haec verba sunt regulæ, non nihil tamen transposita, circa quæ

5. Notandum Primò, haec reservatione non comprehendit nisi beneficia spectantia ad dispositiōnem Cardinalium, Episcoporum, & quidem illorum solū, quorum Cardinalatus itabiliter annexus est Episcopatus (quales sunt 6. nimur Ostiensis, Portuensis, Praenestinus, Tusculanus, Sabinensis, Albanensis, vel ut addit Lott. l. 2. q. 35. n. 4. Sylva candida, qui hodie est Viterbiensis, qui alium titulum nullum habent, quam diœcolum suarum, dum interim Cardinales alii Diaconi & presbyteri etiam titulos suos habent in diversis Urbis Ecclesiæ, dicti

etiam collaterales, & Lateranensis Ecclesia Cardinales, quod constitutum, ut hi 7. Cardinales Episcopi residerent in Ecclesia Lateranensi, tanquam omnium præcipua. Lott. loc. cit. à n. 3. Non vero spectantia ad provisionem Cardinalium aliorum per accidens simul obtinentium alios Episcopatus vel Archiepiscopatus. Garc. p. 5. c. i. n. 404. Lott. loc. cit. n. 11. Castrop. cit. p. 21. n. 6. citans Gonz. gl. 24. n. 142. Barb. alleg. 57. n. 135. &c. contra Rebuff. apud Lott. qui, quia putavit, hanc regulam concernere & alios Cardinales Episcopos, ait, eandem non esse receperam in Gallia, respectu beneficiorum existentium in illis Diœcesis Cardinalium Episcoporum Franciæ. Viderunt autem hoc ipsum indicari in ipsa regula, dum dicitur: spectantia ad illos ratione Episcopatum Cardinalatus, absque eo, quod in pluribus reg. ponantur haec duo absque interjecto comate. Garc. loc. cit. ac ita etiam legit Lott. loc. cit. ratio vero, cur hi præ aliis Cardinalibus Episcopos, et si his digniores sint, plus graventur (si tamen gravamen nuncupari debet aut potest haec beneficiorum reservatio) est bonum Ecclesia, ut nimur vel sic moveat eos Pontifex tanquam magis præcipuos, & quorum Episcopatus non multum distant ab Urbe (sunt namque prædicti Episcopatus Cardinalatus intra 40 ab Urbe lapidem. Lott. n. 17.) ad semper assistendum ejus lateri pro bono Ecclesia. Castrop. loc. cit. Sed neque huic regula repugnat regula Cancell. subsequens seu 8. in qua indistincte à reservatione eximuntur beneficia spectantia ad provisionem Cardinalium, Castrop. loc. cit. Chok. hic à n. 10. nam per hoc, quod omnes indistincte Cardinales eximuntur à reservatione contenta in ista reg. 8. non sequitur, si qui eorum inclusi sint in alia reservatione, eos quoque ab ista reservatione eximi vi istius reg. 8. certè credendum non est, regulam hanc 7. in continente ita correcitam esse per immediatæ subsequentem; ad quid enim expediebat eam poni, si mox corrigenda & tollenda? Castrop. loc. cit.

6. Notandum secundò, circa absentiam illam Cardinalium, quod hi Episcopi Cardinalatus non absint à Curia Rom. dum morantur extra Urbem in suis diœcesis non ultra, ut dictum, 40. ab Urbe lapidem distantes, cum etiam is, qui est in loco Curia vicino intra duas dietas legales, satis dicitur esse in Curia, juxta c. præsenti. de præb. in 6. districtusque Urbis 40. millibus passuum circumquaque finiatur. Lott. loc. cit. à n. 19. adeoque, ut regula haec intret, necesse est, ut dicti Cardinales non tantum absint ab Urbe, sed à districtu Urbis, & sic ultra duas dietas. Lott. n. 25. sed neque, si curia Rom. transferatur, Cardinales, qui eam sequuntur privantur potestate conferendi, non quidem, quia non absunt re ipsa à suis Ecclesiis & titulis, sed quia lex eos singit præsentes, propterea, quod sunt in servizio Papæ, c. ad audientiam. de cleric. non resid. Lott. loc. cit. Neque etiam eâ potestate privabuntur, qui tunc in Urbe vel aliqua parte agri Rom. remanerunt; quia nec à Curia abesse censentur, Curia versante alibi, qui in Urbe, ubi sunt proprii tituli Cardinalium, residendo, Curia de facto deserviunt. Lott. n. 25. & 26. juxta cit. c. ad audientiam. Nec denique abesse à curia censentur, ubicunque demum morentur, dum absunt cum licentiâ Papæ, cum habeantur pro præsentibus, ut declaravit Paul. 3. apud Lott. n. 27. De cetero in genere, dum alii Cardinales ex legitimâ causa absunt à curia, ut dum absunt ob residentiam in suis Diœcesis, & Ecclesia Cathedrali juxta decretum Trid. ses. 23. c. 1. non reservantur eo-

rum beneficia; quia absentia est legitima & approbata à Concilio. Castr. loc. cit. Quamvis Cardinales obtinentes Episcopatus & Archiepiscopatus alios, & in iis residentes obtinere soleant indultum à Papa, ut in omnibus gratiis, favoribus, privilegiis concessis Cardinalibus re ipsa in Curia praefentibus gaudent, ac si præsentes essent. Garc. loc. cit. n. 406. Chok. hic n. 9.

7. Tertiò denique ad finem hujus regulæ apponitur decretum Papæ irritans omnium, quod non solum se extendit ad omnia contenta in hac regula, sed etiam ad omnes alias regulas præcedentes; ita ut irritentur omnia contra hanc, & omnes regulas præcedentes attentata. Chok. hic n. 13. Garc. n. 407. Castr. loc. cit. n. 7, citans Barb. ubi supra, n. 138. Gonz. Ricc. &c.

## PARAGRAPHVS VII.

### De Regula octava, quæ dicitur Regula reservatoria mensium, ac imprimis de prima ejus parte.

*Quæstio 552. An hæc regula cuius materiam  
uti salebrosam & difficilem, ita toto orbe fre-  
quentissimam vocat Chok. in proœm. ad  
hanc reg. n. 1) sit eadem cum illa, quæ olim  
vocabatur regula de mensibus?*

R Espondeo, magnam esse inter has regulas differ-  
entiā, per illam enim regulam de mensibus  
(cuius tenorem, prout habetur in regulis Sixti IV.  
Anno 1471. legere est apud Lott. l. 2. q. 37. n. 1.) nihil  
amplius inductum est, quā quid in 4. mensibus in  
ea designatis, nempe Martio, Junio, Septembri,  
Decembri, Ordinarii de beneficiis, quæ non essent  
generaliter reservata, vel affecta, liberè possent di-  
sponere, non obstantibus exspectativis, quarum  
tunc frequens erat usus (clausula siquidem perinde ac  
si exspectativa grata, non emanarent: id operabatur, ut  
simpliciter inducta eset remotio obstaculi ex ex-  
spectativis) adeoque per concessionem istorum 4.  
mensium non ceſebatur Papa sibi reservare sim-  
pliciter octo reliquos menses, sed tantum secundum  
quid, & in ordine ad exspectativas, adēd, ut in quo-  
cunque mense vacaret beneficium, si nullus com-  
pareret exspectans cum processu fulminato, qui  
beneficium acceptaret, posset Ordinarius liberè  
conferre beneficium, & consequenter, cessantibus  
exspectativis, omnes menses cedebant dispositioni  
Ordinarii, Lott. loc. cit. n. 4. In regula vero, de qua  
hic, Papa sibi reservet 8. menses; unde rectè dicitur  
reservatoria, hoc est, non tantum beneficiorum, quæ  
vacant istis mensibus, sed etiam ipsorum solidorum  
mensum. Lott. n. 3. Per quod tamen non nega-  
tur, etiam, antequam per Concilium abrogarentur  
exspectativas, consuevit Pontifices facere duas re-  
gulas distinctas, unam videlicet super 4. mensibus  
pro Ordinariis contra exspectativas, quæ diceba-  
tur reservatoria mensum pro Episcopis; & alteram  
huius nostræ persimilem super 8. mensibus, quæ ideo  
nuncupabatur reservatoria 8. mensum. Lott. n. 8.  
Hac vero regula de 8. prius per pontifices conci-  
piebatur per clausulam: usque ad cessationem exspecta-  
tivarum, quo casu cessantibus exspectativis, cessa-

bat & ipsa regula cum tota ejus vi reservatoria, de  
in concepta simpliciter, ut Papa solus in iis provi-  
deret de vacantibus, Lott. n. 7, citans Paris. conf. 18. m.  
3. & per totum l. 4. Et hæc observanda plurimum, ut  
monet Lott. n. 8. pro interpretatione antiquorum  
indulctorum, de conferendo in mensibus, quæ ordi-  
naria dispositioni cedunt, distinguedo videlicet  
tempora, quibus diversæ hæc regula diversimodo  
fuerunt & promulgata & recepta.

*Quæstio 553. Quæ origo, & quis processus hæ-  
jus regula?*

1. R Espondeo primò, ejus auctorem dici à Burfat,  
cons. 126. n. 101. Alexand. V. Anno 1441, Lott.  
cit. q. 37. n. 2.

2. Secundò, differt autem in pluribus hæc mo-  
derna regula ab eadem antiqua, dum in ea multa ad-  
dicta sunt & mutata. Garc. p. 5. c. 1. n. 445. de quibus  
particulari vide eundem n. 449. 450. 460. 465.  
470. 482.

3. Tertiò, olim non solebat edi & ponni inter alias  
regulas Cancell. sed separatis, unde non obstat, quin  
interim, nimirum tempore, quo post alias regu-  
las ea edebatur, fieret ab Ordinario provisio in  
mense per eam reservata. Garc. n. 438. 439.

4. Quartò, ante tempora Sixti V. fiebat ad quin-  
quennium, & eo finito renovabatur, ut videtur est  
in hac regula edita à Pio V. & Gregor. XIII. Garz. n.  
446. Sed neque de stylo, finito quinquennio, ex ta-  
citurnitate Papa censebatur prorogata ad aliud  
quinquennium; sed dum non renovabatur, cessabat  
omnino. Garc. n. 447. & 448. contra Gonz. ad hanc  
reg. in proœm. §. 4. n. 17. Quin & necessarium fuisse  
novam acceptationem alternativæ elapsi quin-  
quennio illo, afferit ibid. Garc. quamvis Rota in Fa-  
ventina canonicius de anno 1585. dicat, quod hæc re-  
gula renovata, eo ipso alternativæ acceptatio cen-  
sebat continuata,

5. Quintò à tempore Sixti V. facta hæc reser-  
vatis seu regula usque ad Papæ ejus conditoris bene-  
placitum, adeoque durabat toto tempore Pontifi-  
cati illius, nisi ab eo revocaretur. Garc. n. 446. ci-  
tans Zerol. Denique unâ cum regulis Cancelli. alii  
hæc regula hodiecum edi consuevit, pluribus im-  
mutatis, ut dictum, aut adjectis, & in eam, prout à  
Clem. VIII. & Paul. V. editam integro volumine e-  
lucubratissimo commentatur Hieron. Gonz. pri-  
mo Romæ editus 1604. & post illum Chok.

*Quæstio 554. Quæ sint partes hæc regula?*

1. R Espondeo: dividit illam in partes principales  
duas, quarum utram bifariam subdividitur.  
In priori parte prima partis principalis re-  
servantur beneficia Ecclesiast. omnia, cum, & sine  
cura secularia, & quorumcunque Ordinum regu-  
laria, qualitercunque qualificata, & ubicunque  
existentia, ad collationem, provisionem, elec-  
tionem, presentationem, & quamvis aliam disposi-  
tionem, quorumcunque Collatorum (nimirum, si-  
ve sint tales ex officio, ut Episcopi, sive ex privilegio,  
sive ex fundatione, sive ex præscriptione,  
nisi sit iuspl. laicale vel mixtum. Castr. p. 22. §. 3.  
n. 8. Garc. p. 5. c. 1. n. 620. Gonz. gl. 21. n. 19.) vel  
collaticum (quæ alias non venissent sub nomine  
Masculino Collatorum, ut probat Castr. ibid.)  
secularium, & quorumvis Ordinum regularium  
(non tamen Rom. Ecclesiæ Cardinalium, aut alio-  
rum sub Concordatis inter Sedem Apostolicam &  
quos-